

condicionis existant, ecclesie Romane mediate vel immediate subiectas seu subiectos, ubicumque et in quocumque loco infra Ytaliā seu extra Ytaliā sint constituti, non invademus, occupemus^a, usurpemus, inquietemus vel quomodolibet molestemus per nos vel alios directe vel indirecte sub colore, condicione vel titulo quibuscumque.

Item promittendi, muniendi et iuramento vallandi, quod urbem Romanam ante diem coronacioni nostre prefigendam non intrabimus, et si die nobis prefixa coronam propter impedimentum legitimum non receperimus, quod die proxima sequente, qua coronam receperimus, iusto et legitimo cessante impedimento ab ipsa urbe Romana cum toto eciam nostro exercitu sine dolo, quantum nobis est possibile, discedemus. Necnon quod non ingrediemur partes Ytalie nec de ipsis ante assumptionem et approbationem persone nostre per nos aut alios seu alium modo aliquo disponemus aut nos aliquid intromitemus.

Item promittendi et iuramento firmandi, quod nullum iuramentum, promissionem aut pactum seu aliam obligationem fecimus nec faciemus, per que promissionibus, iuramentis, obligationibus et aliis firmitatibus et securitatibus per predictos procuratores nostros omnes, aliquos vel aliquem eorum vestre sanctitati et Romane ecclesie factis, prestitis seu concessis, faciendis, prestandis seu concedendis posset in aliquo derogari^b.

Item consenciendi et vestre sanctitati concedendi vice et nomine nostro et pro nobis, quod vestra sanctitas valeat interpretari et declarare dubia, si qua exorta sunt vel oriantur super articulis per ipsos vel ipsorum aliquem tractatis vel tractandis.

Premissa eciam omnia et singula et unumquodque ipsorum ac generaliter omnia et singula et quecumque alia dictum negocium tangencia in toto vel in aliqua aut quacumque seu qualibet sui parte seu ex eo pendencia directe vel indirecte superius expressa confitendi, excusandi, dampnandi, anathematizandi, offerendi, acceptandi, laudandi, iurandi, revocandi, annullandi, approbandi, confirmandi, addendi, supplendi, adiungendi, complendi, ratificandi, finiendi, firmandi, faciendi, gerendi, exercendi, perficiendi et effectui mandandi singulariter et expresse, eciam si maiora et graviora existerent quam premissa et que in presenti mandato non expressa nosmet facere possemus, si

a) So Or. am Ende der Zeile. b) So Or.